

**Ka Moporesidente  
Dieter F. Utchtdorf**

Mogakolodi wa Bobedi mo  
Boporesidenteng jwa Ntlha



# Go senka Keresete ka Keresemose

**G**o botlhe ba ba eletsang go tthaloganya gore re bo mang jaaka maloko a Kereke ya ga Jeso Keresete ya Baitshephi ba motlha wa Bofelo, ke rata go lo neela ntlha ya tshimologo e e tthaloswang ke mafoko ano a mararo: Re senka Keresete.

Re senka go itse ka ene Go mosala morago. Go nna thata jaaka ene.

Letsatsi lengwe le lengwe ka nako yotlhe ya ngwaga, re a mo senka. Mme thata thata ka nako e ya ngwaga—Keresemose, fa re ipelela botsalo jwa Mmoloki wa rona yo o rategang—dipelo tsa rona ka metlha di sekamela kwa go ene.

Jaaka bontlhabongwe jwa dithulaganyo tsa rona go ipelela Keresemose, a re tlhokomeleng ka fa bao ba ba tshedileng meleniale tse pedi tse di fetileng ba neng ba iketleeditse go amogela kgorogo ya Mmoloki.

## **Badisa**

Ga re itse thata ka ga badisa, fa e se fela gore ba ne ba nna mo masimong, ba tlhokometse letsomane la bone ka nako tsa bosigo<sup>1</sup> Badisa ba ne thata ba feta go ka nna batho fela ba ba tlwaelesegileng, jaaka bontsi jwa mewa e e galeletsegang ba ba tsweleng le letsatsi la bone ba batla botshelo.

Ba ka emela batho ba, ka nako nngwe, ba ka tswang ba ne ba se matlhagatlhaga mo go batleng Keresete, mme

dipelo tsa bone di fetoge fa magodimo a ne a atthamologa mme ba bolelelwa ka Kereste.

ba ke bone, ba morago ga ba sena go utlwa lentswe la barongwa ba selegodimo, ka bofefo ba ya Betlelehema ba batla go bona.<sup>2</sup>

## **Banna ba ba botlhale**

Banna ba ba botlhale e ne e le batlhatlhelela thuto ba ba neng ba ntse ba ithuta ka go tla ga ga Mesia, Morwa Modimo. ka go ithuta ga bone, ba ne ba nopola ditshupo tse di supang kwa botsalo jwa Gagwe. E rile fa ba di nopola, ba ne ba tlogela magae a bone mme ba tsamaela kwa Jerusalema, ba botsa, O fa kae yo o tsetsweng Kgosi ya Bajuta?<sup>3</sup>

Kitso ya bone e ne ya se ka ya nna fela ya motlhatlhelela thuto. Fa ba sena go bona ditshupo tsa botsalo jwa Gagwe, ba ne ba tsaya kgato. Ba simolola loeto go bona Keresete.

Banna ba ba botlhale ba ka nna sekai sa bao ba ba batlang Keresete ka go ithuta le ka thuto ya motlhatlhelela thuto. Boinelo jwa bone jwa boamaaruri kwa bofelong bo ba gogela go bona Keresete le go mo obamela jaaka Kgosi ya Dikgosi, Mmoloki wa batho.<sup>4</sup>

## **Simeone le Ana**

Simeone le Ana ba ka nna sekai sa bao ba ba senkang Keresete ka Mowa. Mewa e e e gakgamatsang e ne ka poi-fa Modimo e na le tumelo mme, ka go itima dijo le thapelo

le go tshela matshelo a boinelo le kutlo, ba lebelela ka tlhologelelo go bona letsatsi la go tla ga Morwa Modimo.

Ka boikanyego, boingotlo, le tumelo, ka pelotelele ba ne ba lebelela go tla ga Mmoloki.

Kwa bofelong, boikanyego jwa bone bo ne jwa duelwa jaaka Maria le Josefa ba ba supetsa ngwana yo ka letsatsi lengwe a tlaa ipelegisang dibe tsa batho.<sup>5</sup>

### **Badumedi mo gare ga Banefi le Balamane**

Go amiwa ga polelo ya ka fa badumedi mo Lefatsheng le Lesha ba neng ba lebelela ditshupo tsa go tsalwa ga Mmoloki di fitlhelwa mo Bukeng ya ga Momone.

O gakologelwa gore bao ba ba nnileng le tumelo mo go Keresete ba ne ba sotliwa le go bogisiwa. Batlhabologi ba letsatsi leo ba ne ba latofatsa badumedi ka go kgomarela meila ya boeleele. Tota, batlhoka tumelo ba ne ba utlwala thata mo ditshotlong tsa bone tseo ba neng ba di dira “pheetlho e kgolo” mo lefatsheng (3 Nephi 1:7). Ba ne ba tlaopa bao ba ba neng ba dumela gore Mmoloki o tlaa tsholwa.

Bogale jwa bone le tshakgalo di ne tsa gola mo go golo thata gore ba bo ba ganelele mo dikakanyo tsa go didimaletsa ruri bao ba ba neng ba dumela mo Mmoloking. Buka ya Momone e bolela ka tharabololo e e makatsang<sup>6</sup>

Badumedi ba ba neng ba tshela ka nako e ba ka nna sekai sa bao ba ba senkang Keresete fela le fa ba bangwe ba ba tshoga, sotla le go ba roga. Ba senka Keresete fela le fa ba bangwe ba leka go ba tsaya jaaka ba ba sa thabologang, ba ba senang leitlho le thato ya dilo tsa maemo a a kwa godimo, kgotsa ba ba tsietsega motlhofo.

Mme lenyatso la ba bangwe ga le kgobe marapo badumedi ba boammaaruri mo go senkeng Keresete.

### **Jeso Keresete**

Ka nako yotlhe ya ngwaga, mme gongwe thata thata ka paka e ya Keresemose, go ka re thusa gangwe gape go botsa potso “Ke senka jang Kereste?”

Ka sebaka se se thata sa botshelo jwa gagwe, Kgosi e kgolo Dafite o ne a kwala, “Ao Modimo, o Modimo wa me; ke tla go batla go sa le gale: mowa wa me o go nyoretswe, nama ya me e go tlhologeletswe.”<sup>7</sup>

Gongwe mokgwa o wa go senka Modimo e ne e le mongwe wa mabaka Dafite a neng a kaiwa jaaka monna Ka fa pelong ya Modimo<sup>8</sup>

Ka nako e ya paka ya Keresemose le ka nako yotlhe ya ngwaga, a re ka senka ka dipelo tsa rona le mewa ya rona Mmoloki wa rona yo o rategang, Kgosana ya Kagiso, Moitshephi wa Iseraele. Gonne keletso e, ka bogolo, ga e tlhalose fela gore re bomang jaaka maloko a Kereke ya ga Keresete ya Baitshhephi ba motlha wa Bofelo mme le e leng thata gore tota re bomang jaaka barutwana ba ga Keresete.

#### **DINTLHA**

1. Luke 2:8.
2. Bona Luke 2:15.
3. Bona Mathaio 2:1–2.
4. Bona Mathaio 2:11.
5. Bona Luke 10:30–37.
6. Bona 3 Nife 1.
7. Pesalema 63:1.
8. Bona Ditiro 13:22.

---

### **GO RUTA GO TSWA MOLAETSENG O**

Re ka senka Keresete botoka jang, jaaka Poresidente Uchtdorf a ntsha mogopolo? O ka kgothatsa bao ba o ba rutang go ipotsa, “ka fa ba ka senkang Keresete ka teng?” akanya ka keletlhoko go ba laletsa go simolola go abelana ka fa mongwe le mongwe a senkang Keresete ka teng ka nako ya ithutuntsho ya lelwapa ya dikwalo tse di boitshepho. Le wena o ka lebelela *Mormon.org* setshwants-ho sa motsikinyego sa Keresemose le bao ba o ba rutang le go ba laletsa go tsaya karolo mo tshonong e ya ngwaga le ngwaga go senka Keresete ka go sala morago dithuto tsa Gagwe.

## **BANA**

### **Go lebelela Jeso**

**B**atho ba le bantsi ba ne ba lebelela le go emela Jeso gore a tsholwe. Jaanong re lebelela le go emela go tla ga gagwe gape! Re ka iketleetsa ka go ithuta ka ga Jeso le go mo sala morago. O sala Jeso morago Jang? ntshwantsha mme o kwale megopolo ya gago mo teng.



Tumelo, Lelwapa, Thuso

# Go etleetsaga go rwala merwalo ya ba bangwe

*Ka thapelo ithute tiriso e mme o batle tlhotlheletso go itse se o ka se abelanang. Go tshaloganya boikaelelo jwa Mokgatlo wa Thuso go tlaa baakanyetsa jang bomorwadie Modimo masego a botshelo jo bo sa khutleng?*

“Re dikologilwe ke bao ba ba tlhokang kelotlhoko ya rona, kgothatso ya rona, tlanelo ya rona, kgomotso ya rona, le bopelonomi jwa rona”, go buile Poresidente Thomas S. Monson. “Re mabogo a Morena fano mo lefatsheng, ka matlamo a go direla le go kakatlolola bana ba Gagwe. O ikantse mongwe le mongwe wa rona.”<sup>1</sup>

Mopresidente Henry B. Eyring, Mogakolodi wa Ntsha mo Bopresidenteng jwa Ntsha, o rile: “Phetogo e kgolo e simologile mo pelong ya gago fa o ne o fitlha mo kerekeng. O dirile kgolagano, mme wa amogela tsholofetso e e neng ya simolola go fetola one mokgwa wa gago. . . .

“ . . . O solofeditse gore o tlaa thusa Morena go direla [ba bangwe] merwalo motlhofo le go ba gomotsa. O neilwe thata go tlhofofatsa merwalo eo fa o amogela neo ya Mowa o o Boitshepo.”<sup>2</sup>

“Re batla go dirisa lesedi la efangele go bona ba bangwe jaaka

Mmoloki a dira—ka kutlwelobothoko, tsholofelo, le lorato lwa Modimo,” go buile Jean B. Bingham, Poresidente wa Mokgatlo wa Thuso. “Letsatsi le tlaa tla fa re tlaa nna le tshaloganyo e e tletseng ya dipelo tsa ba bangwe mme re tlaa lebogela go nna re newa kutlwelobothoko- fela jaaka re neile megopolo ya thuso le mafoko go ba bangwe. . . .

“maikarabelo a rona le tlotla ke go amogela phetogo mo go mongwe le mongwe jaaka re leka go nna thata jaaka Mmoloki.”<sup>3</sup>

Jaaka re rwala merwalo ya ba bangwe le go tshegetsatsa dikgolagano tsa rona, re bula tsela gore Jeso Keresete a fodise ba bangwe. Mogolwane Jeffrey R. Holland wa lekgotla la ba Aposetole o rutile: “Go lebilwe tlhwatlhwa e e sa tshaloganyesegeng ya Papolo le Tetlanyo, ke solofetsa gore ga a a tla go re fetogela jaanong. Fa a re bahu-manegi mo moweng, ‘tlayang kwa go nna,’ O raya gore o itse tsela ya

go tswa le tsela ya go tlhatloga. O e itse ka gore o e tsamaile. O itse tsela ka ntsha ya gore ke tsela.”<sup>4</sup>

## ***Dikwalo tse di boitshepo tse di tlaleletsang***

Mathaio 25:40; Bagalatia 6:2; Mosaeya 2:17; 18:8–9

### **DINTLHA**

1. Thomas S. Monson, “Direla Morena ka Lorato,” *Liahona*, Tlhakole 2014, 4.
2. Henry B. Eyring, “Mogomotsi,” *Liahona*, Motsheganong 2015, 18.
3. Jean B. Bingham, “Ke tlaa tliša lesedi la Efanengele go tsena mo Lwapeng la me,” *Liahona* Ngwanatsele 2016, 6, 8.
4. Jeffrey R. Holland, “Dilo tse di senyegileng tse di tshwanetseng go bakangwa,” *Liahona*, Motsheganong 2006, 71.

### ***Ela tlhoko Se***

Go thusa go rwala merwalo ya ba bangwe le go tshegetsatsa dikgolagano tsa rona go bulela Jeso Keresete tsela jang go fodisa bao ba ba tlhokang?